

Transkription von Stadtbucheintrag BRG 1498c

Ort, Datierung: Burg bei Magdeburg, 1498

Signatur: Stadtarchiv Burg, Stadtbuch A, S.34a

Item Anno millesimo quadringentisimo nonagesimo / octaŭo Indictum s[um]ma [?] feria tertia ante mathej vor vnnss / Burgermeisternn Steffenn gerekenn vnnd Claweß scher/menn Drewes meßekow vnnd hanß Schüttes ansampt / der andernn herenn gescheuenn synn de vorsichtigenn / hanß wegen(er) vnnd Albrecht Bakenn vnnd / sick vorwilget Informa nach folgende wie ßodane ßakenn / alß dar tuschenn ohnn Belegenn werenn der vormu(n)d(e)n/scapp haluenn gentzlick vth der hant sint gegann / vnnd ann Beidenn partenn die frame lude gekarenn / die ore ßakenn gantß to gnude entricht(e)n / scalenn ßo allent weiß durch ehnn g erkant wordt dar / by Bliue(n) scall vnnd stede faste holdenn willenn B[e]sundern / desß vorsichtigenn hanß wegengerß gekarenn sint de / werdige here Ernn her andreaß wipertj Claweß lossow / mathiße koppenn Auerst Bakenn sceffenn gerekenn / her nicolaweß Engel vnnd her palme here(n) vnnd vraue(n) / vnde gekarenn hefft /

Item anno domi(ni) Millesimo Quadringentesimo nonagesimo / octaŭo desß dingelß dagesß na [...] Vor / vnnß Borgermeister steffenn gereke(n) vnnd claweß / Schermer geschenen synn de vorsichtigenn Claweß / Berke vnnd Hanß vnde hen(n)igk an einß vnde claweß / gurter achim palenn vnnd arnt Berkensche vnnd / hebbin sick an ensampt vordragenn ßo dat genante / arndt Berkesche eren Beide(n) kindern B[e]nomlick(e)n / domeß vnde claweß Berkenn vor erer vadir erffe / lixxx olde storb [?] S(chillinghe) gmaket Iewelck al vnde de guder / nicht to vorkopende edder vor wandelde B[e]ßundern / der kindergelt vor gan , ock hefft genante frowe de(n) / kindernn vor dath hergenade [?] vij guldenn / to geuende gerecht vnde eine(n) kal hoff vor dat Schartow/esche dar B[e]ßundern ock ein krouet vnde heth dar / vnten [?] Beslaten welke an dem(e) husze noch synn vnde / wanner genante kinder to ere(n) iare(n) kome(n) scal / me ohnn sodann ßunder Anßage anvereike(n) vnde geue(n) / vnde ßodan gelt scal van eine(n) kinde up dat ander / steruen Arnde dat hergewede scal By sick [...] /